

44282

Medicina

1

kat.komp.

M

Mag. St. Dr.

Petrii Ioan. Innocentii: Quæstio de hydropi

Biblioteka Jagiellońska



stdr0004759



Ms. 639

IOANNIS INNOCENTII PETRICII
PHILOSOPHIÆ ET MEDICINÆ
DOCTORIS,

QVÆSTIO
DE HYDROPE.

Pro loco in Alma Vniuersitate
Cracouiē. inter Medicinæ Do-
ctores possidendo, publicè
ad disputandum

PROPOSITA.

4. Nonas Aprilis, Anno M.DC.XX.

CRACOVIAE,
In Officina Typographica: Francisci Cesarij.

IN ARMA LEOPOLIS.



44282
I

Quis Deus, aut Fortuna tria hæc coniunxit in vnum?
Quid simul hæ turres, porta reclusa, Leo?
Simplicem amat cultum virtutis Clara Leonis
Patria, simplicibus cur caret ergo notis?
Inuictum turres robur, dignis ad honores
Porta patet, vigiles sed notat iste Leo.
Scilicet è trino perfectio maxima constat,
Summum etiam Trinum nouimus esse bonum.

Fridericus Alnpechius Leopoltanus
Ad primam Phil. Lauream Candidatus.




SENATV
POPVLOQ. LEOPOLIEN.

PATRIÆ SVÆ,

Ioannes Innocentius Petricius

cultus pietatisque Symbolum.

 Enerabar vos, VIRI AM-
PLISSIMI, id verò magni-
tudo vestra merebatur, quæ
adeò se per totum Septentrio-
nis orbem porrexit, vt nulla ei
anteferri aut cum ea iure optimo cõferri pos-
sit. Quicquid vobis est, nusquam est præstan-
tius. Senatus eius maiestatis & sapientiæ, vt
non ex vna gente, sed ex toto terrarum orbe
electus videatur; Vrbs eius fælicitatis & ad-
mirationis, vt foccunda ingeniorum propa-
gatione, non sibi solùm ad gloriam sufficiat,
sed vniuerso regno ad vsum etiam publicum
impertiat; Terra eius vbertatis & hospitalita-
tis, vt in eius sinum propitia naturæ vniuer-
sitas, opum suarum vterum, tanquam in gra-

tum benignitatis suæ gremium deponat. Pa-
tebant ista, ô Inclytæ Urbis Proceres, in ve-
nerationem vestri omnibus, quos iam pridē
Rusia in magno fertilitatis suæ gaudio tan-
quam dignum maiestate sua Caput, sapientia
& prudentia redimitum per diuersos terrarū
ambitus pleno admirationis suæ vultu cir-
cumfert. Potui & ego cum cæteris in sola ve-
neratione magnitudinem vestram vel silen-
tio admirari, nī inquires animus perpetuo ve-
stri cultu nutritus qua eam publica vobis te-
stificatione profiteretur quæreret. Iam verò in
hac mea in Sanctissimā literarum Ciuitatem
festinatione, paulisper vos mihi tanquam
viatori locus aliquis sacer religiosam obieci-
stis moram, vt vobis velut in quodam trans-
cursu cultus pietatisq; debitæ symbolum vo-
lens lubensque litarem, vosque pugnae meæ
patronos, Leones prælio adoptarem. Fauete
VIRIAMPLISSIMI, En me quem pa-
tria vestra filium fecit, Academia accipit,
hæc sponte illa forte. Vobis ergo gratam pie-
tatem debeo, Academiae voueo, imo & vobis
& Academiae Debeo, Voueo.

QVÆSTIO.

Vtrum Hydrops sit tumor totius corporis aut alicuius partis, profectus ab intemperie frigida iecoris tanquam à primo suo principio effectiuo. Essentialiter in tres species, Ascitem, Anasarcā, & Tympanitem diuidatur. Recte per triplex instrumentum Therapeuticum curetur, necne?

CONCLUSIO I.

Hydrops est tumor totius corporis, aut alicuius partis profectus ab intemperie frigida hepatis tanquam à primo suo principio effectiuo.

COROLLARIA.

A 3

1. Hydrops

- I. *Hydrops est tumor aquosus generatus aut ex sanguine pituitoso per totam molem corporis diffuso, nec tamen unito aut ex humore aquoso vel flatuoso in regione abdominis stabulante.*
- II. *In Anasarca intumescit compages totius corporis sanguine pituitoso sese in totum corpus per venas insinuante.*
- III. *Materia aquosa in capacitatem abdominis nunquam pervasa umbilici: raro hiatu vasis alicuius aperti aut exesi excidit, sed ut plurimum per cæcos & porosos meatus exudat.*
- IV. *Tympanites quia raro absoluitur à consortio aqua, potest eadem ratione qua Ascites in abdomine colligi.*
- V. *Hepar nullam harum materierum hydropi subministrare potest, nisi vitium aut ipsi per se accedat, aut aliunde communicetur.*
- VI. *Vitium sufficiens ad conflandum hydropem iecori accedere non potest nisi calidum ipsius fixum & complantatum elanguescat.*
- VII. *Frigus in hydropem aliquando ex contactu & assumptione frigidorum, aliquando ex suffocatione aut dissolutione caloris nativi inducitur.*
- VIII. *Aquacumq. tamen causa iecur intemperiem istam suscipiat, semper in sanguificatione aberrat.*
- IX. *Sanguificatio noua extra iecur in venis esse non potest, sed solum propriè & principaliter in ipso iecore ab ipsius carne perficitur.*
- X. *Volumus in venis non posse id quod formaliter sanguis non est in sanguinem verti, non autem negamus confici & alterari ac concoqui melius eum sanguinem, qui in iecore genitus perfectam ex eo alterationem non habebat.*

CON.

CONCLUSIO II.

Hydrops essentialiter in tres species Ascitem
Anasarcam & Tympanitem diuiditur.

COROLLARIA.

- I. *Hydropis species ita inter se differunt, ut Ascites iecoris frigiditatem magis excessiuam habeat, Tympanites mediocrem, Anasarca minorem.*
- II. *Aqua tamen in hydrope incalescit ex accidenti videlicet à viscerum caliditate, & quod in uno loco detenta putrescat.*
- III. *Sitis & febricula in Ascite per accidens inducitur.*
- IV. *Hydopes aquosi in alijs etiam partibus præter ventrem flabulantes ad Ascitem reducuntur.*
- V. *Ascitem neq; sola vena sero tumentes, neq; sola viarum vrine obstructio, neq; sola ruptio vræterum, neq; sola imbecillitas rerum propriè causare potest.*
- VI. *Aqua in ascite genita vitium quoddam ab hepate suscipit propter quod in ventrem expellitur nec à renibus exugitur.*
- VII. *Tympanites etiam si principaliter pendeat à iecore, Ventriculam tamen & intestina plerūq; iniuria sua comites sibi adiungit.*
- VIII. *Ventriculus alitur chylo non sanguine.*
- IX. *Pituita formaliter generatur in ventriculo non in iecore.*
- X. *Iecur humorum omnium non est propriè & per se præterquā sanguinis officina.*

CON-

CONCLUSIO III.

Hydrops per triplex Therapeuticum instrumentum curari potest.

COROLLARIA

- I. Sanguinis missio neq^{ue} in Anasarca, neq^{ue} in Ascite, nisi is malum faciat, decubituq^{ue} suo suffocet, fieri non debet.
- II. Tympanites aliquando admittit sectionem venae.
- III. Paracentesi in Ascites tantum usq^{ue} completus nec lethalis constantibus viribus etate florida admittit.
- IV. Probatur ab Andrea Laurentio inuenta, aliquando tamen ad latera commodior videtur.
- V. Ratio curandi hydropem in educatione luxuriantis materiae, reductione membri ad pristinum robur, non semper in preparatione humoris peccantis consistit.
- VI. Aqua nulla coctione praemissa euacuari potest.
- VII. Aqua stabulantes non magis per aluum quam per vias urinarias educi possunt.
- VIII. Eadem collecta intra peritoneum, & intestina diureticis non nisi per accidens expelluntur.
- IX. In Ascite completo prius insistendum aquarū expulsionī, quā membri generantis materiam ad pristinum statum reductioni.
- X. Hydropicis victus calidus & siccus competit.

Pro Doctoribus Philosophiæ

P A R E R G A.

Vtrum generatio aquæ in hydrope immediate pendeat à substantia iecoris, an vero ab elemento in iecore prædominante.

C O N C L U S I O I.

Generatio aquæ in hydrope immediate non pendet à substantia iecoris.

C O R O L L A R I A.

- I. *Substantia in generatione substantiæ non agit immediate sed mediantibus accidentibus.*
- II. *Accidentia ita concurrunt ad producendam substantiam ut productio substantiæ ab ipsis accidentibus immediate dependeat.*

C O N C L U S I O II.

Non videtur inconueniens concedere in iecore aliquo modo prædominari elementum aquæ.

COROL.

COROLLARIA

- I. *Elementa sunt in mixto quo ad suas formas & substantiam, actu realiter & formaliter.*
- II. *Falsum est illa esse in mixto secundum substantias refractas.*

Paradoxum.

Sumptum ex Fernelio lib. 2. de ele. Cap. 8.

Qualitates & virtutes elementorum in mistis manent remissæ & refractæ, formæ verò substantiales elementorum manent integræ; ita tamen vt in vna & eadem particula materiæ non sit nisi forma vnius elementi, & in altera particula vna forma alterius elementi, nec in vna & eadem parte reperiuntur omnes quatuor formæ substantiales elementorum.



Disputabitur publicè in florentissimo Cra-
couiensi Gymnasio, sub foelicibus auspiciis
Admodum Reuerendi & Magnifici Domi-
ni SEBASTIANI KRVPKA I. V. Doctoris
& Professoris, Canonici Cracouiensis, Præ-
positi Vieliciensis nec non Almæ Vniuer-
sitatis Cracouiensis Generalis Rectoris di-
gnissimi, vigilantissimi. Anno Dni 1620.
4. Nonas Aprilis.

Disputatio publicè in florentissimo Cir-
cuitu Germaniæ, sub scilicet auspiciis
Atheniensi Regendi & Magnifici Domini
in Senatibus R. V. R. A. I. V. Doctoris
& Irenæi Ciceronensis, Irenæi
Petrus Virens, nec non Almus Viner-
tatis Ciceronis Generalis Rectoris di-
gnissimus, Anno Domini 1644.
Novus Aquis.



